



La Quotidiana  
7007 Cuiria  
081/ 920 07 10  
www.laquotidiana.ch

Medienart: Print  
Medientyp: Tages- und Wochenpresse  
Auflage: 4'487  
Erscheinungsweise: 5x wöchentlich

Themen-Nr.: 800.22  
Abo-Nr.: 1088938  
Seite: 7  
Fläche: 61'612 mm<sup>2</sup>

# Far resunar l'architectura sper l'aua

## Occurrenza interdisciplinara a Nairs

DA MARTINA FONTANA / ANR

**In sonda ha gnü lö i'l Center d'art contemporanea Nairs a Scuol ün'occurrenza interdisciplinara chi ha dürà 12 uras. Tematisadas sun gnüdas l'art, la musica e l'architectura. Ma eir l'importanza da «l'Ensemble Nairs» aint il context da l'architectura, da la cultura e da l'istorgia dal turissem es stat tema da discussiun.**

In occasiun dal di europeic dal monumaint avant duos ons es «l'Ensemble da Nairs» gnü elet da la chiura da monumaints chantunala sco lö i'l chantun chi rapreschainta il meglder il tema «aua». Dürant duos dis es Nairs quella vouta stat i'l focus dal patrimoni architectonic e cultural sper l'aua. L'occurrenza interdisciplinara, «Moment Monument Grischun-Bogns vegls Nairs» chi ha gnü lö in sonda a Nairs ha tut sü quel tema. Cun referats, visitas guidadas, ün lavuratori davart musica e spazi, cun üna performance «Nairsünalb» ill'antieriura büvetta, il concert cun musica contemporanea interpretada da «l'ensemble ö!» e musica da disco illa bar es Nairs dvantà eir quista jada ün spazi da resonanza cun oscillaziuns in passà, preschaint e futur. Punct da partenza da l'occurrenza chi ha dürà dudesch uras

es statta la seria da concerts da «l'ensemble ö!» chi va sur trais ons e porta il titel «Moment Monument Grischun». In chasas e monumaints da relevenza cultur-istorica in Grischun vain in quell'ocasiun interpretada musica contemporanea in relaziun cun architectura.

### Referats, visitas al lö, rundas da discussiun e gronds giavüschs

La runda da discussiun ha tematisà l'importanza da «l'Ensemble Nairs» aint il context da l'architectura, da la cultura e da l'istorgia dal turissem. Ün ulteriur punct da discussiun es stat il potenzial da mantegnimaint e da svilup dals monumaints sper l'En. «Ün dals böts da la Fundaziun Nairs es quel da mantgnair na be ils vegls bogns, ma eir da s'ingaschar pel mantegnimaint da tschels edifizis da l'ensemble», ha dit il manader artistic da Nairs, *Christoph Rösch*. Cha la Fundaziun Nairs saja pel mumaint l'unica instituziun chi viva amo in quel lö. «Perquai ans vulaina dostar e pisserar cha'l stabilimaint da la fundaziun saja renovà, restaurà e sanà fin da l'on 2013 per til pudair festgiar in occasiun da seis 100avel anniversari in ün nouv büschmoint», ha'l

intunà. Quai dess tenor el capitar illa spranza e cun la persvasiun da gnir sustgnüts in möd ideal sco eir finanzal da la regiun, dal chantun, da la confederaziun e dad amatuors da Nairs oriunds da tuot il pajais. «A la fin spera la Fundaziun Nairs da pudair promover sco 'bun exaimpel' eir il salvamaint da la Büvetta e da l'Hotel Scuol-Palace», ha'l conclus

### Salüds ed ingrazchamaints da la regenza

«Eu ingrazch in nom da la regenza grischuna als respunsabels da Nairs ed als artists per lur lavur preziusa, per lur ingaschamaint instancabel e m'allegr da pudair in avegnir m'ingaschar per quist lö fascinant e s-chür», ha dit il cusglier guvernativ *Martin Jäger* chi ha eir fat part a l'occurrenza interdisciplinara a Nairs. Cha «Nairs», insomma il nom o il pled, saja s-chür, ha'l mania in riond. Ch'el spera però cha Nairs saja bun da trar a nüz sia s-chürdüm in sia totalità. «E quai in tuot sias fuormas e culuors», ha'l intunà e dit in s-chelt vallader: «Eu giavüsich a quist lö mistic ün futur prosperaivel – e cha Nairs saja bun da trar a nüz l'inter potenzial preschaint.»

Datum: 22.08.2011

DIE SÜDOSTSCHWEIZ


# LA QUOTIDIANA



La Quotidiana  
7007 Cuir  
081/ 920 07 10  
www.laquotidiana.ch

Medienart: Print  
Medientyp: Tages- und Wochenpresse  
Auflage: 4'487  
Erscheinungsweise: 5x wöchentlich

Themen-Nr.: 800.22  
Abo-Nr.: 1088938  
Seite: 7  
Fläche: 61'612 mm<sup>2</sup>



**Christoph Rösch, manader artistic da Nairs, Urs Padrun ed Urezza Famos, commembers dal cussagl da fundaziun da Nairs ed il cusgliev guvernativ Martin Jäger al cumainzaint da la visita tras il stabilimaint da Nairs.**